



Isalathiso: 20170711-2878
13/7/1/2
Imibuzo: M Combrink

INgcaciso eMfutshane yeCandelo lolawulo loVavanyo: 0012/2017

Iya: KumaSekela Balawuli-Jikelele ; kuBalawuli abaziiNtloko ; kuBalawuli (kwaNdlunkulu nakwii-ofisi zezithili) ; kumaSekela Balawuli ; kwiiNgcali zeMfundo eziziiNtloko; kuBaphathi: bokuNika iNkxaso yezeKharityhulam; kuBacebisi ngeZifundo, kuBaphathi beeSekethe; kwiiNtloko zezoLawulo noKuphatha, kumaSekela eeNgcali zeMfundo eziziiNtloko nakwiiNtloko zamaziko emfundo alungiselela abaviwa iimviwo zeSatifikethi seMatriki sikaZwelonke

Isihloko: Uviwo lukaNovemba 2017 lweSatifikethi seMatriki sikaZwelonke: Inkqubo nesikhokelo sokuqhutywa koviwo lwepraktikhali lokugqibela kwizifundo ze-Design ne-Visual Arts

1. ISebe leMfundo esiSiseko likazwelonke (i-DBE) liqwenela ukuba uthathele ingqalelo iinkqubo emazilandelwe ngokuthe mbo xa kuqhutywa iimviwo zepraktikhali zokuphela konyaka zezifundo ze-Design ne-Visual Arts.
2. Amaphepha emibuzo ka-2017 eemviwo zepraktikhali zokuphela konyaka zezifundo ze-Design ne-Visual Arts (*Design Paper 2 and Practical and Visual Arts Paper 2*) aya kuba nala macandelo mabini alandelayo:

Section A: Source Book or Workbook; kunye ne-Section B: The Artwork or Product
3. Izikolo namaziko ezobugcisa makaqinisekise ukuba bonke abaviwa abenza izifundo ze-Design kunye/okanye i-Visual Arts banephepha lemibuzo nge-28 Julayi 2017 ukuze banikwe ithuba lokufumana ingcaciso ngeCandelo A lephepha lemibuzo. Abaviwa mabasayine irejista bakunikwa iphepha lemibuzo.
4. KwiKota 3, abaviwa mabenze balugqibe uphando olwaneleyo baqokelele yaye badibanise zonke izinto ezifanelekileyo (*appropriate material*) zokulungiselela iCandelo A lephepha lemibuzo yomviwo. ICandelo A lingaqhutywa nokuba kungexesha lokufundisa okanye emva kweeyure zesikolo.

5. ICandelo A loviwo lwepraktikhali maligqitywe ngaphambi kokuqala iCandelo B loviwo lwepraktikhali.
6. ICandelo B malibe seligqitywe nge-20 Oktobha 2017.
7. ICandelo B loviwo lwepraktikhali maligqitywe kwindawo yokubhalela uviwo ngethuba lokufundisa eliqhelekileyo kungabi ngexesha lasemva kweeyure zesikolo okanye ngeempela-veki. Kucetyiswa ukuba kulungiselelwe iiseshoni ezithatha iiyure ezine ukuya kwezintandathu iintsuku eziliqela, bade bonke abaviwa babe bawugqibile umsebenzi wabo wezobugcisa (*artwork*) okanye isiveliso sabo (*product*), okanye zide zigqithe iiyure eziyi-24 ezabelwe lo msebenzi. Makwenziwe amalungiselelo angaphakathi kwisikolo ngasinye okanye kwiziko ngalinye ukulungiselela imisebenzi yezifundo zobugcisa enokufunwa likhondo elithile lezobugcisa, umz. eleesiramikhi (*ceramics*).
8. **Kufuneka** kugadwe ngokungqongqo ngutitshala we-*Design* kunye/okanye we-*Visual Arts* **kunye** nomgadi wabaviwa ngethuba lokuqhutywa koviwo.
9. Abaviwa **mabangaze** bashiywe bebodwa xa besenza iCandelo B, **yaye bangaze bavunyelwe** ukuba bagoduke nemisebenzi yobugcisa okanye owenziwayo engagqitywanga. Yonke imisebenzi yobugcisa okanye iiprojekthi zepraktikhali ezingagqitywanga mazigcinwe esikolweni kude kube yiseshoni elandelayo ebhalwe kwithayimthebhile.
10. Kucelwa zonke izikolo okanye amaziko afundisa izifundo i-*Design* kunye/okanye i-*Visual Arts* ukuba zingenise ngokuthumela nge-imeyili ku-: Ellene.Louw@westerncape.gov.za iithayimthebhile zalo zokwenziwa kweCandelo B kwiNgcali yeMfundo eneQhuzu yezifundo ze-*Design* ne-*Visual Arts* phambi kowe-11 Agasti 2017. INgcali yeMfundo eneQhuzu mayidibanise iithayimthebhile.
11. ISebe leMfundo leNtshona Koloni (iWCED) neDBE baya kuthi kwakhona babeke esweni ukubhalwa kwezi mviwo zepraktikhali. Ishedyuli yokubekwa esweni kwezi mviwo zepraktikhali, esekelwe kwiithayimtheyibhile ezingeniswe zizikolo nangamaziko, ziya kuqulunqwa zize zithunyelwe kwiDBE.
12. IWCED iya kucwangcisa imihla yokumakisha nokumodareyitha ukuqinisekisa ukuba yonke imisebenzi yepraktikhali iyamakishwa yaye imodareyithwe ungadlulanga owe-17 Novemba 2017.

13. Nayiphi na imibuzo engokuqhutywa kweemviwo zepraktikhali zokuphela konyaka zezifundo ze-*Design* ne-*Visual Arts* zinokuthunyelwa kuNks Ellené Louw kule dilesi ye-imeyili Ellene.Louw@westerncape.gov.za.
14. Iya kuthakazelelwa kakhulu intsebenziswano yakho malunga noku.

ISAYINWE: NGU- PAD BEETS

USEKELA MLAWULI-JIKELELE WOLAWULO LWEKHARITYHULAM NOVAVANYO

UMHLA: 2017-07-24